



Agency for Development of Higher Education and Quality Assurance

Broj: 05-33-1-35-4/15
Datum: 08.09.2015. godine

Na osnovu člana 49. alineja 5) Okvirnog zakona o visokom obrazovanju u Bosni i Hercegovini („Službeni glasnik Bosne i Hercegovine“ br. 59/07 i 59/09), imajući u vidu svrhu preporuke o akreditaciji da se osigura koherentnost i dosljednost tumačenja standarda i kriterija s obzirom da evaluacije provode različite grupe stručnjaka, u postupku akreditacije Američkog univerziteta u Bosni i Hercegovini, na osnovu mišljenja Komisije stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova (u daljem tekstu: Komisija stručnjaka), nadležnom obrazovnom organu, Ministarstvu obrazovanja, nauke, kulture i sporta Tuzlanskog kantona, a na osnovu zaključka sa šeste sjednice Stručnog kolegija Agencije za razvoj visokog obrazovanja i osiguranje kvaliteta (u daljem tekstu: Agencija) održane 08.09.2015.godine, direktor Agencije daje:

P R E P O R U K U

da postupi u skladu sa mišljenjem Komisije stručnjaka i donese Rješenje o uslovnoj akreditaciji visokoškolske ustanove Američki univerzitet u Bosni i Hercegovini

O b r a z l o ž e n j e

Dana 20.1.2015. godine Agencija je zaprimila od Ministarstva obrazovanja, nauke, kulture i sporta Tuzlanskog kantona prijedlog za imenovanje Komisije stručnjaka. Nakon što je utvrđeno da se predloženi članovi Komisije stručnjaka nalaze na utvrđenoj Listi stručnjaka iz člana 48. alineja 3.) Okvirnog zakona i da je sastav Komisije stručnjaka predložen u skladu sa Odlukom o normama kojima se određuju minimalni standardi u području visokog obrazovanja u Bosni i Hercegovini („Službeni glasnik Bosne i Hercegovine“, broj 100/11) (u daljem tekstu: Odluka), Agencija je u skladu sa članom 49. alineja 4) Okvirnog zakona o visokom obrazovanju u Bosni i Hercegovini, imenovala Komisiju stručnjaka Rješenjem broj: 05-33-1-35-2/15, od dana 24.02.2015. godine.

Dana, 03.07.2015. godine Agenciji je dostavljen Izvještaj Komisije stručnjaka o eksternoj evaluaciji Američkog univerziteta u Bosni i Hercegovini u kojem je data analiza, ocjena i revizija kvaliteta ove ustanove, te dato mišljenje Komisije da se uslovno akreditira visokoškolska ustanova Američki univerzitet u Bosni i Hercegovini.

Uvidom u Izvještaj Komisije stručnjaka utvrđena je:

- formalna cjelovitost Izvještaja
- da je Izvještaj napisan na jednom od službenih jezika u Bosni i Hercegovini i engleskom jeziku i u skladu sa s Odlukom o normama kojima se utvrđuju minimalni standardi u području visokog obrazovanja u Bosni i Hercegovini i
- da suštinom jasno i razumljivo daje jasne ocjene ispunjenosti kriterija bazirane na dokazima, te mišljenje i preporuke za unapređenje kvaliteta po svakom kriteriju što Izvještaj čini relevantnim za izdavanje Preporuke o uslovnoj akreditaciji.

U skladu s Odlukom, Komisija je ocjenila ispunjenost devet kriterija za akreditaciju ocjenama, kako slijedi:

- a) Razvoj i strategija visokoškolske ustanove: znatno ispunjen
- b) Upravljanje, unutrašnje osiguranje kvaliteta i kultura kvaliteta: potpuno ispunjen
- c) Procedure za osiguranje kvaliteta studijskih programa: **djelimično ispunjen**
- d) Procedure za ocjenjivanje studenata: potpuno ispunjen
- e) Ljudski resursi: **djelimično ispunjen**
- f) Kvalitet fizičkih resursa: potpuno ispunjen
- g) Informacioni sistemi: potpuno ispunjen
- h) Prezentacija informacija za javnost: **djelimično ispunjen**
- i) Međunarodna saradnja: znatno ispunjen

Tri kriterija za akreditaciju su ocjenjena, na temelju obezbjeđenih dokaza, kao djelomično ispunjeni i to:

Kriterij 3 Procedure za osiguranje kvaliteta studijskih programa

Preporuke Komisije stručnjaka za unapređenje su:

- studijski programi svojim sadržajem trebaju biti u izravnoj vezi sa nacionalnim kvalifikacijskom okvirom i u skladu sa standardima kvalifikacija
- potrebno je snažnije učešće privrede u definiranju ishoda učenja i kvalifikacija
- unapređenje studijskih programa trebalo bi uskladiti sa pravnom regulativom (Zakon o visokom obrazovanju Tuzlanskog kantona)
- unapređenju doktorskih studija trebalo bi posvetiti veću pažnju i stvoriti uslove da naučnoistraživački rad bude više zastupljen

Kriterij 5 Ljudski resursi

Preporuke Komisije stručnjaka za unapređenje su:

- stvaranje preduslova za upošljavanje vlastitog kadra i stvaranje uvjeta za angažman vlastitih kadrova u odnosu na „gostujuće“
- izrada motivirajućeg modela za objavljivanje naučnih i stručnih radova, knjiga i udžbeničke literature, te aktivnije uključivanje u istraživačke projekte EU

- uključivanje u rad međunarodnih naučnih konferencija, edukacijskih projekata i drugih prilika za usavršavanje nastavnog osoblja

Kriterij 8 Prezentacija informacija za javnost


Preporuke Komisije stručnjaka za unapređenje su:

- izraditi web stranicu Univerziteta, pored engleske varijante i na jednom od jezika naroda BiH
- izraditi plan/strategiju komunikacije prema značaju i karakteristikama ciljnih grupa (studenti, svršeni studenti, okruženje, vlade i organi vlasti, nevladin sektor, privreda, socijalni sektor)
- izmjeniti i inovirati postojeću PR strategiju
- kreirati kvalitetan informativni vodič za upis na Američki univerzitet u BiH
- predstaviti detaljno sve studijske programe, ishode učenja, kompetencije nakon završenih studija

Visokoškolska ustanova bi trebala po prijemu Rješenja o uslovnoj akreditaciji detaljno analizirati preporuke Komisije stručnjaka i napraviti akcioni plan u skladu sa Pravilnikom o postupku akreditacije visokoškolskih ustanova i studijskih programa Tuzlanskog kantona i Odlukom. Akcioni plan bi trebao da obuhvata:

- imenovane odgovorne osobe za pisanje, provođenje i praćenje realizacije Akcionog plana sa jasno definisanim odgovornostima
- vremenski okvir za realizaciju preporuka, kao i potrebne finansijske i ljudske resurse
- definisane mjerljive indikatore za praćenje realizacije Akcionog plana.

Uzimajući u obzir složenost i obimnost preporuka za unapređenje koje je dala Komisija stručnjaka, kao i obaveze visokoškolske ustanove koje su proizašle iz preporuka Komisije stručnjaka Agencija daje preporuku Ministarstvu obrazovanja, nauke, kulture i sporta Tuzlanskog kantona da izda Rješenje o uslovnoj akreditaciji visokoškolske ustanove Američki univerzitet u Bosni i Hercegovini sa instrukcijama o provođenju naknadnih aktivnosti, na period do tri godine, te isto dostavi Agenciji radi postupka ocjene usklađenosti Rješenja o akreditaciji s normama i kriterijima iz člana 48. Alineja 1. Okvirnog zakona o visokom obrazovanju u Bosni i Hercegovini.



Dostaviti:

- Ministarstvo obrazovanja, nauke, kulture i sporta Tuzlanskog kantona
- Američki univerzitet u Bosni i Hercegovini
- Sektor 05
- a/a